

忻州直隸州志

良

定生題



忻州志卷十七

知忻州直隸州事方戊昌編輯

丁賦

倉儲

稅課附

戶口三門九則共人四萬八千七十六丁

共徵均徭辦買顏料銀八千四十兩二錢八分三釐

一屯丁六十五丁

共徵丁徭銀二十三兩七錢三分一釐

地差銀二分八釐

一民屯實徵各色共地八千九百五十五頃三十一畝九分

一額徵本色糧一千六百七十八石四斗七升一合五勺  
一額徵折色糧三萬五千五百四十二石五斗七升八合  
九勺

一額徵折色銀三萬八千七百三十八兩三錢五分八釐  
一匠價銀九十四兩五錢

一商稅銀一百五十四兩一錢六分六釐  
一操賞酒課銀二十兩

以上額徵地丁併保德所奇村等四屯及商稅匠價酒  
課共徵銀四萬七千七十一兩六分六釐有閏共徵銀  
四萬七千九十九兩八錢二分九釐又酒課閏月銀一兩

六錢六分七釐

共徵本色米一千六百七十八石四斗七升一合五勺  
內除正徵米一千九十石四斗八升六合六勺黑豆五  
百七十石一升五合五勺每黑豆一石五斗改徵粟米  
一石共改徵粟米三百八十石一升三勺硬米十七石  
九斗六升九合四勺每硬米一石改徵粟米一石五斗  
共改徵粟米二十六石九斗五升四合一勺共徵粟米  
一千四百九十七石四斗五升一合共徵本色豆二十  
四石八斗一升

一起運地丁銀有閏四萬一千六百五十七兩七錢一分

七州志 卷十一  
八釐無閏四萬一千八百七十九兩七錢二分四釐

一起運匠價銀九十四兩五錢

一起運四屯丁徭銀二十三兩七錢三分一釐

一起運商稅正項銀有閏一百六十七兩一分三釐無閏

一百五十四兩一錢六分六釐

一起運酒課銀有閏二十一兩六錢六分七釐無閏二十  
兩

一起運保德所兵餉銀三百六十二兩七錢八分七釐

一起運黃蠟折價并腳價銀四錢二分五釐

一起運戶部料銀并腳價等銀二十一兩八錢六分

一解戶部絲絹并鋪墊腳價等銀一十八兩五錢一分八釐

一解置買紬絹黃絲木櫃等銀有閏一十八兩三錢五分八釐無閏一十七兩四錢四分一釐

一存留驛站銀有閏三千一百七十五兩三錢二分五釐無閏二千九百四十七兩三錢二分

一存留本州俸薪銀八十兩

門子二名工食銀一十二兩內撥給禁卒銀一兩二錢八分

皂隸十六名工食銀九十六兩

快手八名工食銀四十八兩內撥給禁卒銀五兩一錢

二分

傘扇夫三名工食銀一十八兩內撥給禁卒銀一兩九錢二分

轎夫四名

斗級四名

庫子四名各工食銀二十四兩內各撥給禁卒銀二兩五錢六分

民壯三十五名工食銀二百五十二兩

捕役八名工食銀四十八兩

鐘鼓夫二名工食銀七兩二錢

禁卒八名工食銀四十八兩連撥給共銀六十四兩  
看監夫五名工食銀三十兩

一吏目俸薪銀三十一兩五錢二分

門子一名工食銀六兩

皂隸四名工食銀二十四兩

馬夫一名工食銀六兩

一儒學學正訓導俸薪銀各四十兩

齋夫工食銀一十八兩

門斗工食銀一十八兩



廩生餼糧銀九十六兩

膳夫工食銀一十三兩三錢三分二釐

雩禮祭品銀三兩

迎春牛酒席銀一兩

孤貧花布銀九兩四錢四分

朔望行香紙燭等銀五兩六錢

歲貢花紅酒席銀八兩

文廟啟聖名宦等祠祭祀銀九十五兩一錢八分

關帝廟祭祀銀二十兩八錢二分

文昌祠祭祀銀一十五兩七錢八分

此係乾隆十年以後添設留支

以上各款均由留支項下支給

一扣解時憲書紙價銀一兩六錢四分

一扣解舉人牌坊銀二十兩

一扣解餞送舊舉人會試盤纏銀五十一兩六錢六分七

釐

一扣解新中進士旂匾賀儀銀三兩二錢三分三釐

一扣解武舉會試盤纏銀四兩

一扣解新中武舉會試盤纏銀一兩二錢五釐

一扣解新中舉人花紅酒席銀五兩

一扣解太原府餞送舉人會試銀五錢三分三釐

一扣解膳錄書手銀一兩三錢三分四釐

一扣解鄉飲酒禮銀一十五兩

一扣解裁汰舖司兵工食八成銀二百一十一兩二錢

一扣解裁汰舖司兵工食撥給津貼馬夫二成銀五十二

兩八錢

一耗羨除商稅連閏匠價酒課共銀二百八十一兩五錢

一分三釐無耗外額徵加一三耗銀有閏六千八十五

兩二錢一分一釐無閏六千八十四兩三錢一分二釐

一扣支本州養廉銀一千五百兩

一扣支本州繁費銀一百二十兩

一扣支吏目養廉銀六十兩

餘皆解司

以上三款由耗羨項下扣支

一代徵陽曲縣圈民屯租銀二百四十八兩九分四釐租  
豆八石五斗租草八百五十六束折徵銀一十四兩共

徵銀二百六十二兩九分四釐

係解陽曲縣

一代徵保德州丁徭銀三十六兩二錢二分

係解保德州

晏村宿亮熙等一百一十六戶共水冲砂壓老荒地二十

二頃四畝八分一毫

應完大糧四十四石五斗八升一合五勺九抄五撮折  
完銀五十五兩三錢二分五釐八毫隨完米一石九斗

八升九合八勺五抄四撮九圭一粒

屯糧一石五斗七升四合六勺八抄六撮折完銀一十二兩九錢四分八釐八毫

墾糧五斗九升三合二勺折完銀七兩七錢七分七釐七毫

清糧八升三合九勺九抄三撮折完銀一錢三釐九毫  
首糧三斗七升九合九勺八抄九撮折完銀三錢八分九釐二毫

共各色糧五十六石二斗一升三合四勺六抄三撮折完銀六十九兩五錢四分五釐四毫隨完米一石九斗

八升九合八勺五抄四撮九圭一粒

西曲家庄崇福寺等一十四戶共水冲砂壓老荒地二頃五分

應完大糧七石五斗七升七合折完銀九兩四錢三釐一毫隨完米三斗三升八合一勺九抄一撮八圭一粒

以上共計老荒地二十四頃五畝四分一毫計各色糧六十三石七斗九升四勺六抄三撮折完銀七十八兩九錢四分八釐五毫隨完本色米二石三斗二升八合四抄六撮七圭二粒光緒六年正月二十日經 宮保

巡撫曾公具奏是月二十七日奉

旨着自光緒五年上忙起永遠豁免

定襄縣

額徵地丁商稅酒課匠價有閏共銀一萬七千八百一十八兩六錢二分六釐無閏一萬七千八百一十四兩八錢四分二釐

存留俸薪役食雜支等銀一千零七十七兩三錢九分三釐

額徵加耗有閏共銀二千三百零九兩七錢九分五釐無閏共銀二千三百零九兩四錢八分八釐

扣支養廉繁費等銀九百八十兩

額徵米四百四十三石五斗二升五合二勺

靜樂縣

額徵地丁有閏共銀一萬六千二百八十九兩六錢一分  
九釐無閏共銀一萬六千二百八十六兩二錢五分三  
釐

存留俸薪役食雜支等銀有閏一千九百七十二兩四錢  
八分四釐無閏一千九百二十七兩四錢八分四釐  
額徵加耗有閏共銀二千一百一十五兩三錢七分三釐  
無閏共銀二千一百一十四兩九錢三分六釐

扣支養廉繁費等銀一千一百四十兩



楊維嶽曰郡田賦先年分丁站夏秋四項徵收歲首先比丁站踰月而報完赤厯驗發後始徵夏秋輸亦十之八轉輸有備而邊糧之外王糧亦完十之二三近行一條鞭法管糧官專督之而丁站十逋其三矣前人催科之法有第逋貧甲乙敘徵者民恐已之甲也則遞輸有不問甲乙間攝者民懼攝之不測也則爭輸有勾牒已具而故稽之者民畏牒之或下也則亟輸郡民急公者固夥其憤逋者三法皆不能攝卽拘及且懷金受笞而去不得已先責多逋者而站銀混於派中丁銀數少遂得規避邊糧急踰星火隨徵隨解逋民探知解完卽不

輸納而王糧以逋爲常不能報最矣庫無贖金上供之  
需未開徵時卽催解完東支西吾官甚病之乃知雖有  
良法便良民而頑民則敝便全完而逋欠則敝法固無  
如人何也 郡之逋糧其故匪一隣封山地十九多雨  
宜稼僅徵下糧郡平壤半之糧派上中而苦旱鮮水收  
不及隣封之七一也一夫率耕百畝千金之家僅屈數  
指民多貧乏糞力不齊而斂薄二也張喬等村昔腴而  
今以水涸地亦漸瘠三也先年均地者不能履畝承委  
之人未免需賄如符村重新高留白村平張等都地多  
沙鹵不與查豁致堪耕者皆藉口概逋四也令歸東西

高等都距州遼遠拘則逃之襄嶠卽他都亦有春種秋收捆載而逃者五也貧士一厠青衿多受詭寄強半不輸六也熟區飛糧於逋負都甲七也羣種逃地者需其返也糧仍逃主姓名徵則羣以逃荒罔上軍產亦如之八也逋甲憾輸之相形也則火其屋掠其禾毀傷其薪木良民遂不敢全輸九也又有目逋糧爲英雄者一經追攝輒告需索甲告乙證役人固鮮自潔然敢逋者皆不憚官府者也甯厚賄役乎官有庇役之嫌必罪攝者卽或反坐之彼且釀金入錢勝則彼爲負嵎之虎卽負官府亦爲打草之蛇逮畢訟追呼之日彼高枕已踰時

矣追呼而逋如故也官亦姑縱弛之誰不能尤而效乎  
十也嘻守忻者亦艱矣雖然不盡民財不猶賢於繭絲  
乎郡糧昔年定則皆丈地書識上下其手多不均平  
緣官不能履畝卽履畝亦不能區別地色也但懸絕不  
至霄壤姑仍其舊然有必當變通者如符村重新高留  
白村平張淤泥等處多有斥鹵砂石無歲不派無歲不  
逋空名鮮實反使逋糧者因以藉口大屬無謂蕭樓郝  
曹金竒等村段石等庄新漲引淤之地穀粟不啻倍收  
十三中糧十七下糧無糧者更不知幾似應清刷概派  
上則積荒議豁重則議減賦稅旣均催科亦易竊會建

議及此因受地糧經報部不果行因思將此地加額每畝以一升五合解豐贍庫餘入州總則部額如故而民賦亦均或甦民裕國之一策也敢告之來者

按舊志載順治年間戶缺口二萬七千二百三康熙年間戶二萬三千一百二口十萬九千七百三雍正年間戶二萬四千一口十二萬四千六百九自康熙五十五年遵奉

恩詔續生丁口永不加賦乾隆元年丁徭按三門九則攤入地糧地畝七色按則徵收迄今百六十餘年遵行未改惟丁口自永不加賦續添丁戶編審冊籍多不能全

未能詳載茲依舊志畧紀順治康熙雍正三朝戶口析  
民繁庶亦可概見其他墾荒更名隱漏優免名目繁多  
久經釐定皆削而不錄以從簡便

按前明賦役之繁徵輸之急小民朘剝脂膏不足以應  
加以有司之貪污胥吏之勒索百弊叢生莫可救止是  
追呼愈急逋逃愈多迄至末季加賦預徵民生日促故  
一遇荒歉從亂如流此豈一朝一夕之故哉我

國家輕徭薄斂正供之外毫無煩苛

州治錢糧完納踴躍  
毫無蒂欠余歷任數

處析民  
爲最

歷考從前軍興之際雖庫藏支絀向不累及齊

民間有水旱偏災輕則緩徵重則蠲免撫恤不使一夫

不得其所如光緒三四兩年晉省疊遭奇荒爲二百年

來未有之事

斗米數千文人民相食竟有地畝銀錢而全家餓死者

平蒲霍隰所

屬尤甚太汾潞澤各府州稍次惟省北最輕今宮保湘鄉曾公來撫是邦首辦荒政歷次疏懇

朝廷屢下蠲除之令無論正雜通省全行豁免

詔發內帑數十萬截留京餉數十萬撥給江廣山東漕糧數十萬石各省捐輸及本省捐輸數百萬以資賑濟轉運遞送絡繹於道通計此次動用約一千數百餘萬而忻郡被災最輕三四兩年猶奉文平糶動支倉穀一萬餘石蠲免正雜各稅

恩施浩蕩振古鑠今士民之仰戴

皇仁應如何感激因論賦役附記近年救荒大畧俾後來  
莅斯土者知忻民當此奇荒得免流亡之厄亦平日儉  
樸之徵而我

朝愛民之政又何止備荒一端已哉

倉儲

附

常平倉在儀門東舊建倉廩六座共二十四間後添建三  
座共二十間又新建米廩二座共四間

原額儲穀三萬石

按舊志載係歷次捐輸  
捐買採買儲積成數

歷年動支孤貧軍流犯口糧缺額二千五百餘石例由



司庫領款買補

光緒三四兩年奉文平糶賑濟動支倉穀一萬九百三十餘石

光緒三年奉文撥借陽曲縣倉穀八千九百餘石

已經撥款

買補

光緒四年奉文撥借忻州營兵倉穀一百九十餘石

由營

扣餉買補

歷前任虧短倉穀二千餘石

應由歷任自行買補

現在實存倉穀五千二百餘石

社倉城鄉共五處存儲穀石

按舊志載六處內有東鄉南胡村存穀三百八十餘石今

據倉書單開只有五處何時動用無考

本城城隍廟旁存穀一千石零

按舊志載存藏經閣一千二百餘石數目與舊

不符今已霉變無存

東鄉北胡村存穀九十三石零

按舊志載一千石零何時動用年久無考

西鄉四六奇村存穀六百四十三石零

按舊志載一千七百餘石光緒

四年民借無存

南鄉韓巖村存穀四百一十餘石

按舊志載一千三百石零光緒四年民借

三百五十餘石下存五十餘石

北鄉金山舖存穀一百八十餘石

按舊志載一千六百餘石查有五十九石

零已霉變無存

以上各社倉係里民捐輸俱就近存儲各村莊寺廟內  
每年社長總約輪年經理其事

義倉城鄉共七處存儲穀石

本城城隍廟旁存穀五百一十餘石

霉變無存

東鄉雙堡村存穀四十餘石

又郭村存穀三百四十餘石

霉變無存

西鄉四六奇村存穀二百二十餘石

又張村存穀二百四十餘石

霉變無存

南鄉白石村存穀一百四十餘石

北鄉東高後存穀四百四十餘石

光緒四年民借無存

以上各義倉俱設有倉長經理其事

定襄縣

常平倉原設倉廩十座共三十八間

原額儲穀二萬石

除動撥支放外現在實存倉穀七千四百八十餘石

靜樂縣

常平倉原設倉廩八座共十七間

原額儲穀二萬石

除動撥支放外現在實存倉穀一萬八千四十餘石

按舊例常平倉穀每年出陳易新春借秋收加息還倉

如遇災禱之歲秋後免其加息如數還倉穀既不至霉  
變民間又無青黃不接之虞法至善也是在牧民者之  
力行何如耳倘奉行不善徒滋民累良可惜也

稅課

附

一額徵商稅正銀有閏一百六十七兩一分三釐無閏一

百五十四兩一錢六分六釐

在地丁項下徵收

商稅溢額銀有閏二十三兩六錢三分六釐無閏二十

三兩二錢四分二釐

盈餘多寡不等

一額徵酒課正銀有閏二十一兩六錢六分七釐無閏二

十兩

在地丁項下徵收

一額徵牲畜稅正銀二十三兩三錢五分九釐

遇閏多加銀三釐

盈餘多寡不等

一當稅多寡不等每座徵銀五兩

係活稅

一牙稅多寡不等

係活稅

一田房稅契正銀九兩六錢

盈餘多寡不等

一鹽稅每年額領河東鹽引二千三十九張半原課並加增按丁加引及紙稅共銀八百三十八兩三錢二分五釐隨同地丁徵收向係解交河東鹽道嗣經鹽院成奏

明以嘉慶十二年爲始徵收土鹽稅銀歸司辦理前項  
稅銀改解司庫鹽引亦由司請領

定襄縣

額徵商稅正銀有閏三十兩五錢五分六釐無閏二十八  
兩五錢三分一釐

商稅溢額銀有閏五兩四錢一分七釐無閏五兩  
盈餘多寡不等

額徵酒課正銀有閏十三兩無閏十二兩

額徵牲畜稅正銀有閏二十七兩三錢八分八釐無閏二  
十五兩三錢八分六釐

盈餘多寡不等

額徵牙稅正銀五十八兩四錢

額徵田房稅契正銀十二兩五錢八分七釐

額徵鹽稅銀三百五十三兩四錢一分

靜樂縣

額徵商稅正銀有閏二十二兩一錢七分六釐無閏二十兩四錢七分

盈餘多寡不等

額徵酒課正銀有閏七兩五錢八分四釐無閏七兩

額徵牲畜稅正銀有閏之年無無閏五兩五錢六分八釐



盈餘無閭多寡不等

額徵牙稅正銀四十四兩六錢

額徵田房稅契正銀二兩七八錢不等

鹽稅無

忻州志卷十八

祀典

文廟

每歲春秋二仲月上丁致祭屆期先祭

崇聖祠

肇聖王木金父公

裕聖王祈父公

詒聖王防叔公

昌聖王伯夏公

啟聖王叔梁公

東配

先賢孔氏孟皮

咸豐七年配饗

顏氏

名無繇明嘉靖九年配饗

孔氏

名鯉明嘉靖九年配饗

西配

先賢曾氏

名皙明嘉靖九年配饗

孟孫氏

名激明嘉靖九年配饗

東從祀

先儒周氏

名輔成明萬曆二十三年從祀

程氏

名珦明嘉靖九年從祀

蔡氏

名元定明嘉靖九年從祀

西從祀

先儒張氏

名迪雍正二年從祀

朱氏

名松明嘉靖九年從祀

地方有司行禮畢致祭

至聖先師孔子

分獻東配

復聖顏子

唐貞觀二年配饗

述聖子思子

宋咸淳三年配饗

分獻西配

宗聖曾子

宋咸淳三年配饗

亞聖孟子

宋元豐七年配饗

分獻東哲

先賢閔子

唐開元八年從祀

冉子

唐開元八年從祀

端木子

唐開元八年從祀

仲子

唐開元八年從祀

卜子

唐開元八年從祀

有子

乾隆三年升列哲位

分獻西哲

先賢冉子

唐開元八年從祀

宰子

唐開元八年從祀

冉子

唐開元八年從祀

言子

唐開元八年從祀

顓孫子

宋咸淳三年升列哲位

朱子

康熙五十一年升列哲位

分祭東廡

先賢公孫僑

字子產咸豐七年從祀

林放

字雍正二年復祀

原憲

字子思唐開元二十七年從祀

南宮适

字子容唐開元二十七年從祀

商瞿

字子木唐開元二十七年從祀

漆雕開

字子若唐開元二十七年從祀

司馬耕

字伯牛唐開元二十七年從祀

梁鱣

字子魚唐開元二十七年從祀

冉孺

字子魯唐開元二十七年從祀

伯虔

字子析唐開元二十七年從祀

冉季

字子產唐開元二十七年從祀

漆雕徒父

字子石唐開元二十七年從祀

漆雕哆

字子斂唐開元二十七年從祀

公西赤

字子華唐開元二十七年從祀

任不齊

字子選唐開元二十七年從祀

公良孺

字子正唐開元二十七年從祀

公肩定

字子仲唐開元二十七年從祀

鄭單

字子家唐開元二十七年從祀

罕父黑

字子索唐開元二十七年從祀

榮旂

字子旂唐開元二十七年從祀

左人郢

字子行唐開元二十七年從祀

鄭國

字徒唐開元二十七年從祀

原亢

字子杭唐開元二十七年從祀

廉潔

字庸唐開元二十七年從祀

叔仲會

字子期唐開元二十七年從祀

公西輿

字子尚唐開元二十七年從祀

邾異

字子斂唐開元二十七年從祀

陳亢

字子禽唐開元二十七年從祀

琴張

字子開唐開元二十七年從祀

步叔乘

字子車唐開元二十七年從祀

秦非 字子之 唐開元二十七年從祀

顏噲 字子聲 唐開元二十七年從祀

顏何 字冉雍 正 二年復祀

縣竄 字 二年從祀 雍正

牧皮 字 二年從祀 雍正

樂正克 字 二年從祀 雍正

萬章 字 二年從祀 雍正

周敦頤 字茂叔 宋淳祐元年從祀

程顥 字伯淳 宋淳祐元年從祀

邵雍 字堯夫 宋咸淳三年從祀

先儒公羊高 字 二十一年唐貞觀從祀

伏勝 字子賤 唐貞觀二十一年從祀

毛亨 字 二年從祀 同治

孔安國 字 二十一年唐貞觀從祀

后蒼 字近君 明嘉靖九年從祀

許慎 字叔重 光緒二十二年從祀

鄭康成 名 雍正二年復祀

范甯 字武子 雍正二年復祀

陸贄 字敬輿 道光六年從祀

范仲淹 字希文 康熙五十四年從祀

歐陽修

字永叔明嘉  
靖九年從祀

司馬光

字君實宋咸  
淳三年從祀

謝良佐

字顯道道光  
十九年從祀

羅從彥

字仲素明萬  
曆四十二年從祀

李綱

字伯紀咸豐  
元年從祀

張棻

字敬夫宋景  
定二年從祀

陸九淵

字子靜明嘉  
靖九年從祀

陳澧

字安卿雍正  
二年從祀

真德秀

字希元明正  
統二年從祀

何基

字子恭雍正  
二年從祀

文天祥

字宋瑞道光  
十三年從祀

趙復

字仁甫雍正  
二年從祀

金履祥

字吉父雍正  
二年從祀

陳澔

字雲柱雍正  
二年從祀

方孝孺

字希直同治  
二年從祀

薛瑄

字德溫明隆  
慶五年從祀

胡居仁

字叔心明萬  
曆十二年從祀

羅欽順

字允升雍正  
二年從祀

呂柟

字仲木同治  
二年從祀

劉宗周

字起東道光  
二年從祀



孫奇逢

字鍾元道光八年從祀

張履祥

字考夫同治十二年從祀

陸隴其

字稼書雍正二年從祀

張伯行

字孝先光緒五年從祀

分祭西廡

先賢蘧瑗

字伯玉雍正二年復祀

澹臺滅明

字子羽唐開元二十七年從祀

宓不齊

字子賤唐開元二十七年從祀

公冶長

字子長唐開元二十七年從祀

公皙哀

字季沉唐開元二十七年從祀

高柴

字子羔唐開元二十七年從祀

樊須

字子遲唐開元二十七年從祀

商澤

字子秀唐開元二十七年從祀

巫馬施

字子期唐開元二十七年從祀

顏辛

字子抑唐開元二十七年從祀

曹卹

字子循唐開元二十七年從祀

公孫龍

字子石唐開元二十七年從祀

秦商

字子丕唐開元二十七年從祀

顏高

字子驕唐開元二十七年從祀

壤駟赤

字子從唐開元二十七年從祀

石作蜀

字子明唐開元二十七年從祀

公夏首

字子桀唐開元二十七年從祀

后處

字子里唐開元二十七年從祀

奚容蒧

字子哲唐開元二十七年從祀

顏祖

字襄唐開元二十七年從祀

句井疆

字子疆唐開元二十七年從祀

秦祖

字子南唐開元二十七年從祀

縣成

字子祺唐開元二十七年從祀

公祖句茲

字子之唐開元二十七年從祀

燕伋

字思唐開元二十七年從祀

樂欬

字子聲唐開元二十七年從祀

狄黑

字暫之唐開元二十七年從祀

孔忠

字子茂唐開元二十七年從祀

公西葳

字子尚唐開元二十七年從祀

顏之僕

字子叔唐開元二十七年從祀

施之常

字子常唐開元二十七年從祀

申振

字子周唐開元二十七年從祀

左邱明

字子明唐貞觀二十一年從祀

秦冉

字開雍正二年復祀

公明儀

字三年從祀  
咸豐

公都子

字二年從祀  
雍正

公孫丑

字二年從祀  
雍正

張載

字子厚宋淳祐元年從祀

程頤

字正叔宋淳祐元年從祀

先儒穀梁赤

字元始唐貞觀二十一年從祀

高堂生

字二十一年從祀  
唐貞觀

董仲舒

字順元年從祀  
元至

劉德

字三年從祀  
光緒

毛萇

字二十一年從祀  
唐貞觀

杜子春

字二十一年從祀  
唐貞觀

諸葛亮

字孔明從祀  
正

王通

字仲淹明嘉靖九年從祀

韓愈

字退之宋元豐七年從祀

胡瑗

字翼之明嘉靖九年從祀

韓琦

字稚圭咸豐二年從祀

楊時

字中立明宏治八年從祀

尹焞

字彥明雍正二年從祀

胡安國

字康侯明正統二年從祀

李侗

字愿中明萬曆四十二年從祀

呂祖謙

字伯恭宋景定二年從祀

黃榦

字直卿雍正二年從祀

輔廣

字漢卿光緒六年從祀

蔡沈

字仲默明正統二年從祀

魏了翁

字華甫雍正二年從祀

王柏

字會之雍正二年從祀

陸秀夫

字君實咸豐九年從祀

許衡

字仲平元皇慶二年從祀

吳澄

字幼清乾隆二年復祀

許謙

字益之雍正二年從祀

曹端

字正夫咸豐十年從祀

陳獻章

字公甫明萬曆十二年從祀

蔡清

字介夫雍正二年從祀

王守仁

字伯安明萬曆十三年從祀

呂坤

字叔簡道光六年從祀

黃道周

字幼平道光五年從祀

陸世儀

字道威光緒二年從祀

湯斌

字孔伯道光三年從祀

名宦祠

在戟門外之左

鄉賢祠

在戟門外之右

忠義祠

孝弟祠

節孝祠

祭田十二畝  
在韓嚴道

以上諸祠每歲俱隨丁祭日致祭

關帝廟在治南門舊廟東雍正三年改建每歲除五月十三日致祭外春秋二仲遵部頒吉期致祭屆期先祭後殿三代

曾祖光昭公

祖裕昌公

父成忠公

地方有司行禮畢致祭

關帝

文昌祠在治西岡上每歲除二月初三日八月初八日致祭外春秋二仲遵部頒吉期致祭屆期先祭

文昌先代

地方有司行禮畢致祭

文昌



忻州志卷十九

壇廟

先農壇在州治北門外雍正五年前知州姚世璠遵式承  
建內藉田四畝八分每年所收租穀除供祭祀外存餘  
申報查核每歲仲春月遵部頒吉期舉行典禮

社稷壇在州治北郭外西厯年久遠規制未備雍正十年  
前知州劉澤民遵式承建每歲春秋二仲遵部頒日期  
致祭

風雲雷雨山川城隍壇在州治南郭西雍正十年前知州  
劉澤民遵式承建每歲春秋二仲遵部頒日期致祭同



州志 卷十九  
壇設三神位 風雲雷雨居中 山川居左 城隍居

右

常雩禮每歲孟夏遵部頒日期致祭

乾隆七年  
遵照部議

厲壇在州治北郭外東每歲清明日七月十五日十月初

一日致祭

昭忠祠在武廟西每歲春秋二仲遵部頒日期致祭

城隍廟

在治西明洪  
武三年改建

龍王廟

在治東  
門內

魁星閣

舊在西門明萬曆時改建城上東南雍  
正三年又建一閣於西城文昌祠之右

呂祖廟

在治西  
岡上

好劫神廟

在治西士陵橋每歲四月初七日致祭

烈士廟

在治西北二里明嘉靖僉事李公濂命建祀趙盾韓厥等七人每歲春秋隨祭社稷壇日致祭有碑

贊並續修七賢廟碑記均載入藝文

東嶽廟

在治大街西

土地祠

在二門東

倉神廟

在州署東

鄧侯祠

在二門東

馬王廟

在儀門東

文昌祠

舊在忻口趙國策創建乾隆五十九年滹沱河水漲溢傾圮後其裔孫趙雲騰移修於金山之麓

岱嶽廟

在雲內口

忻州志

卷十九 壇廟

七

五嶽殿

在合索村東

三官廟

在治城西北隅

二郎廟

在治北門內

三靈閣

一在治西一在北郭神乃孚靈侯唐宏威靈侯葛雍泱靈侯周武也以周厲王拒諫客吳楚侵吳三

人以神策退兵不受封賞宣王立復歸周有靖難功遷東兗治民有政績並加侯封宋真宗賜號三元真君有禱輒應

閻王廟

在治西門內

龍天廟

在治西北二里相傳卽晉文公祠

阿母廟

在治南郭內西

獨擔神祠

在本山

五龍聖母祠

在治西南上佐都西溝村光緒五年四月

年三月頒到

御賜沾

洽時謝匾額敬謹懸掛

白雨神廟

在播明村道光二十

程嬰祠

在金

公孫杵臼祠

在城西七里

潤國濟民侯祠

在遊邀村相

包孝肅祠

在治北

萬公生祠

在治南

魏中丞祠

在治北街凌雲樓西祀明巡撫魏介肅

速報祠

在治北門內太原

元遺山祠

在治北街凌雲樓西舊義學同治四年改建義學移三官廟西

王節愍公祠

在部落村

關帝廟

在州治北五十里高城村舊有土坡綿亘二里許林木茂密咸豐三年社中議禁母得剪伐光緒二

三兩年歲歉村民採取榆葉日百餘人鄰村亦多有來採者每日掇拾無異平時諸民以為神佑得免饑萃

遂呼為救命坡事近荒誕因村民籲懇紀載勉順輿情附記於此

忻州志卷二十

賓興

賓興之典久視爲具文廢弛不行所在皆是周禮大司徒以鄉三物教萬民而賓興之典至重也

國家典禮攸關遵行古制有司習焉不察往往因陋就簡缺然無聞前署知州張其恕敦崇典禮舉行賓興首先倡捐千金爲士民率於是合城鄉四十七都並官捐共制錢六千七百有奇發商生息爲鄉會試資每遇大比之年於七月初十日前先行示期舉行賓興定期後知會兩學凡應試無論已錄科及考遺諸生一體赴宴行

禮屆期兩學先至州署催集諸生齊列大堂行禮禮畢筵宴每六人一席按長幼序坐演劇宴畢諸生謝宴禮成

一其捐制錢六千七百五十緡發商生息以同治元年爲始每年可得息錢五百四十緡爲闔州鄉會試資無論正署一體經理本銀永遠不准支取官紳不得挪移有私行取用者卽令該商賠補

一鄉試諸生按歷科約二百餘人試資除留送會試盤費外按人數多寡儘數散給

一會試舉人舊章每人送盤費錢或二十千或十四五千

嗣因增立會試賓興會每屆酌送錢十千永以爲例  
一會試賓興共捐制錢三千緡發商生息每年得息錢二  
百四十緡三年共得息錢七百二十緡除給武舉會試  
試資一百千文外每名試資至多不得過六十千之數  
餘錢歸入

恩科試資如應試人數多將息錢按人均勻散給

一鄉會正科之外恭遇

恩科若僅隔一年息錢無多恐不敷鄉會試考費應將三  
年息錢通勻計算令該商先繳一半按人散給下餘一  
半息錢仍俟正科年分給發



一鄉試試資若場前散給不免冒濫茲擬於場後以八月二十五日爲度由學官造具士子入場名冊送州屆期會同學官赴公所按名均給錄遺未入場者減半代領者不給

一會試試資照鄉試例場後散給以六月二十五日爲度投文未入場者亦照鄉試例減半散給

一選拔優貢起文人者照舉人會試例酌給試資

一賓興向止文生武生不免向隅茲於鄉會賓興生息項下酌提錢貳百緡會試賓興生息項下酌提錢壹百緡共錢叁百緡爲武生鄉試會試試資各壹百五拾緡所

有給散章程悉照文生辦理其錢數永爲定額不得故  
事增減以杜爭端

按忻人凡遇公舉皆能踴躍樂成固由地方富庶衆擎  
易舉而紳民急公好義實甲於通省如考棚書院賓興  
各有經費皆有鉅欸生息動用所定章程極爲周備可  
以永遠行之無弊願後來官紳經理不懈亦培植人材  
之一助也

以上事宜畧載大概另有刊章與字紙會當經稟請院  
司存案俾成規可守侵隱無虞余故樂得書之冀有聞  
風者效法云爾



忻州志卷二十一

職官

魏

諸葛原初興太守

晉

劉殷郡人永嘉中新興太守詳孝行

元窟咄系出北狄元魏道武之叔父也東晉新興太守  
張忠武城人新興太守

元魏

爾朱羽健太祖登國初秀容川領民酋長子鬱德孫代

勤襲高宗末代勤假南甯將軍除肆州刺史子新興

孫榮襲

閻鳳蠕蠕人太平真君時鎮南將軍肆州刺史

李昭狄道人承明年肆州大中正

薛巒汾陰人太和年肆州刺史

于須代人烈弟鎮南將軍肆州刺史

羅道生拔子高祖時肆州安北府外兵參將

韓務昌黎人景明初肆州刺史

高振渤海人正始年肆州刺史

崔振字廷根博陵安平人挺之弟也少有學行居家孝

友正始初除龍驤將軍肆州刺史在任有政績還朝  
除河東太守永平中卒於郡謚定振歷官四十餘載  
考課恆爲稱職議者善之

陸倕代人正始年肆州刺史熙平年再任

尉慶賓代人肅宗時肆州刺史

陸昶世宗時平北將軍肆州刺史

薛慶之肅宗時并肆行臺又行并州事

元深肅宗初肆州刺史

元匡字建扶廣平王洛侯嗣子性耿介有氣節孝文器  
之謂曰叔父必能儀刑社稷匡輔朕躬今可改名爲

匡以成克終之美宣武時除肆州刺史廉慎自修甚  
有聲績遷恆州刺史後爲御史中尉封東平郡王卒  
諡文貞

苟資世宗延昌年肆州刺史

楊津雲中平城人延昌年肆州刺史性孝友蒞官勤慎  
巨細必親屢立戰功不妄殺降人咸稱其仁

茹皓雁門人延昌年肆州大中正

張倫熙平時肆州刺史

斛律平朔州敕勒部人孝武時平北將軍顯州刺史後  
又行肆州刺史事

平季闔官肅宗末新興太守與爾朱榮議立莊帝拜平北將軍

元湛

元肅孝莊時肆州刺史

爾朱天光北秀容人肅宗末都將總統肆州兵馬又攝行肆州事建義初除撫軍將軍肆州刺史加北秀容第一酋長爲并肆雲恆朔燕蔚顯汾九州行臺仍行并州事

爾朱羽生榮從叔肆州刺史

彭樂孝武初肆州刺史



懷州志 卷二十一  
爾朱世隆孝莊時肆州大中正

薛元穎永安王參軍行秀容縣事

北羅協汾州錄事參軍爾朱兆府屬又治肆州刺史

韓瑚秀容太守

爾朱智虎北秀容人普泰年肆州刺史

東魏

劉貴秀容人莊帝建義初除肆州刺史天平四年除肆

州大中正詳仕籍

李神儻狄道人孝靜時行并州事尋除驃騎將軍肆州

刺史

王基狄那人天平中行肆州事

柳楷天平中肆州驃騎府長史

去賓孝靜時安北將軍肆州刺史至羅國主副羅越居  
爲蠕蠕所破其子去賓來奔齊獻武奏爲刺史封高  
平王招慰夷部表穆子琳爲長史

穆子琳孝靜時肆州長史

爾朱文暢北秀容人孝靜時撫軍將軍肆州刺史

斛律金朔州敕勒部人武定末肆州刺史累遷左丞相  
封咸陽郡王卒贈假黃鉞相國太尉公諡曰武

北齊

薛孤延天保八年肆州刺史

庫狄敬肆州刺史

劉元孫貴子撫軍將軍都督肆州諸軍事肆州刺史

唐

張嘉祐開元初忻州刺史

崔宏禮博陵人元和中忻汾二州刺史有治行

李寰長慶二年忻州刺史轉晉州刺史加晉慈等州都

團練使

李丕會昌中忻州刺史遷汾晉二州刺史大中初拜振

武節度使詳名宦

趙元極隴西天水人忻州司馬

薛叔達汾陰人忻州司馬

張克讓曲口人忻州司馬

後唐

元行欽天祐中忻州刺史又爲潞州都部署

相里金字奉金并州人爲人勇悍而折節下士同光中拜忻州刺史是時諸州皆用武人多以部曲主場務漁蠹公私以利自入金獨禁部曲不與事厚其給養使掌家事而已清泰三年以金爲太原四面步軍都指揮使晉高祖立爲建雄軍節度使卒贈太師

高行珪燕人莊宗時忻州刺史

索自通清源人明宗時忻州刺史

晉

李繼忠嗣昭子高祖時忻州刺史

北漢

李勅忻州監軍周顯德元年降

趙皋忻州刺史周顯德元年被害

宋

郭進博野人開寶九年忻代等州行營馬步軍都監招  
徠山後民三萬七千餘口御下嚴毅能以權道任人

控扼西山十餘年虜不敢犯

賀惟忠定襄人性剛果知書曉兵法初仕周知易州宋興授本州刺史兼易定祁等州都巡檢捍禦有功撫士卒得其死力戰無不克名震北邊十餘年契丹不敢南牧

張齊賢宛句人進士雍熙時知忻州詳名宦

解暉臨洛人雍熙時忻代等州都巡檢驍悍木強征伐常身先之屢立戰功金瘡徧體稱驍將

李重誨金城人雍熙時爲忻州都巡檢沿邊十八砦招安制置使值北兵入寇重誨邀擊俘獲甚衆不敢近

塞

裴莊字端已四川閬中人蜀第明經太宗時權忻州錄事參軍先是并州侍積軍儲條制甚峻掌出納者常十餘人莊代之獨任其事擢授絳州防禦推官提點并嵐二州緝帛芻糧改遼州判官仍莅舊局雍熙三年命將巡邊掌隨軍糧料內客省使楊守一稱薦之授大理寺丞時遷河朔降戶於汝洛遣莊安輯之俄通判忻州未上道改澶州景德中知潞州祀汾陰爲北嶽加號冊禮副使撰北行記三卷以獻卒年八十

冉宗閔知忻州都官員外郎

胡令儀景德祥符間知忻州軍州都尉

安俊太原人慶曆時忻州刺史

劉平祥符人進士慶曆時忻州團練使

劉兼濟平弟慶曆時知忻州

任福開封人慶曆時忻州團練使

武奐太原人慶曆時忻代都巡檢

蔣偕鄭縣人進士慶曆時知忻州

王果饒陽人舉明法科慶曆時知忻州

郭諮平棘人進士聰明過人建治河方田諸議造車弩



兵械有巧思歐陽文忠文潞公等薦之知忻州史稱  
巧智才畧自見於功利之間有足稱者

齊鉞權團練使忻州推官

劉友端忻代等都總管公事

張子文知忻州

李純忻州兵馬監押

張永趙郡人知忻州州產鹽轉運使欲以盜賊罪罪兵  
吏永土言惡鹽累防兵非計詔弛其禁民甚德之餘  
政多類此

張佶渭南人端拱至道年忻州通判史稱勤幹威惠

石宗道太宗末忻州推官

柳開咸平初知代州徙忻州

李渭天聖中知憲州又知忻州

趙諮慶厯中知忻州又知潞州

張旨字仲徵懷州河內人仁宗時通判忻州復通判府州元昊攻不能下後提點河東路刑獄范文正歐陽文忠胥言其鷙武有謀畧除閤門使固辭後以光祿卿知潞州移知晉州請判西臺卒

郭達仁宗時汾州兵馬都監權知忻州

程戡仁宗時忻代安撫使

張俛靖康二年忻州觀察使

劉景文剛正公嚴恩洽黎庶民皆感戴一日忽謂掾曰  
君恐不能久於人世吾亦將繼往未幾果然劉死而  
復甦作詩三章一云中宮在天半其上乃吾家紛紛  
鸞鳳舞往往芝木華揮手謝人世聳身入雲霞公暇  
詠天海我非世人誇二云僊都非世間天神繞樓殿  
高低霞霧勻左右虬龍徧雲車山岳聳風擎天地擅  
從茲得舊渥萬動毫端變三云從來豪傑自銷磨好  
笑人間事更多良上巽中爲進發千里安穩渡銀河  
詩成謂家人曰我今掌雷部不復與人間事矣遂逝

張更忻州兵馬監兼在城巡檢

董琰任騏驎副使河東第四所訓練忻汾州定安軍兵  
馬

吳安操元祐間通判忻州軍州兼管勸農事

李昭敘元祐間知忻州軍州兼管勸農事上騎都尉平  
原郡開國侯

王演崇甯間通判忻州軍州兼管勾疆軍事

金

高彪廢帝時忻州防禦使

元誼忻州神虎軍使

傅慎微沙溪人宋末進士金天德年忻州刺史純質篤  
古有惠政重修學校

劉著字鵬南舒州皖城人宣政末進士仕金爲翰林修  
撰任忻州刺史

史旭字景陽進士秀容令元德明常從之遊

石琚中山人天眷二年狀元以廉幹由行臺改令秀容  
縣額設勾直十五人市井無賴竄名者甚衆琚至逐  
去民大悅有訟者召至諄諄訓諭使自愧服期月大  
治

要介大定年知忻州增修學校

張巖叟五臺人進士忻州刺史

完顏京知忻州軍州事

完顏阿里不孫章帝時泰申必刺進士忻州軍事判官  
大安中西京行樞密院經歷官貞祐時同知平陽府  
事兼本路宣撫副使

沈璋奉聖州人進士知忻州有善政遺愛在民

周敏中定襄人獻臣次子忻州諸軍奧魯

元

張執中元貞二年知忻州諸軍奧魯勸農事

畢鼎秀容人本縣尹

畢威秀容人九原府右副元帥

劉天祿知忻州兼管諸軍奧魯勸農事

張仁傑知州

張安甯定襄人九原府定遠大將軍總管大元帥

李汝弼大德年秀容尹

劉天寵中統至元間忻州刺史

樊天用以武功授九原府元帥總押觀察使

白朝列皇慶年知忻州修葺文廟

樊天勝定襄人以武功授九原府元帥知定襄郡時從

常山車取忻州大帥怒其民欲盡戮之天勝哀訴得

免

孫天敏延祐中知忻州兼管諸軍與魯勸農事

白賁延祐中忻州達魯花赤兼管諸軍與魯勸農事

宋亨延祐中知忻州兼管諸軍勸農事

杜承事延祐中秀容尹

馬克忠延祐中秀容尹兼管諸軍勸農事

樊大羽天勝次子忻州管民官改授同知武州事

許德基曲沃人至元間以本州判官擢刺史

趙榮至元中忻州刺史

張真汜水人皇慶時知忻州至正間兵破州城真安撫



遺民賴以存活詳名宦

李時敏至正時知忻州

張允中至正時秀容尹

王信至正時忻州太守兵亂棄官隱去

明

知州

鍾友諒浙江錢塘人洪武間以舉人任忻州知州有長材當開國初安輯殘黎創制立法修舉城郭公署祠廟壇壝咸備擢金華知府

丁秉燹洪武七年任

朱輝宣德元年任

傅泰大城人

吳興南直泗州人宣德八年任

盧琛直隸涿州人正統初任

張諒

申敬正統十二年任

董文衡浙江鄞縣人景泰四年任

李瓚

夏至明天順間任重修文廟

陳琦成化元年任

胡璉南直巢縣人成化二年任調吉州

石倫

楊鏞

劉清山東壽張舉人成化間知忻州秩滿去民立碑識之詳名宦

王軒山東臨清人宏治間以進士任忻州知州移建學宮開雲牧兩河鹵地立四倉備凶荒勦平土寇平刑獄均徭賦擢員外郎歷官鳳翔知府

鮑琦湖廣麻城舉人宏治九年任

楊光澤山東沂水舉人宏治十四年由洪洞陞忻州性

豪飲才具敏捷諸務立斷人比之龐士元當道少之  
與保德守咎鳳翔對調

咎鳳翔河南邠縣人調任忻州刑罰頗重民益思楊之  
寬恕矣

哈佐河南光州舉人宏治十六年任

馬興直隸保城舉人宏治十八年任

朱良江西新淦人進士正德元年任

唐素字希文東平舉人正德間知忻州性簡易政尙因  
民招撫有術徵科不擾陞正定府同知老稚扳轅不  
絕三日始得出境

王鑾河南鈞州人例貢正德六年任

沈天麟南直淮安人官生正德九年任

李澤山東人正德十一年任

趙璋山東費縣舉人正德十二年以刑部郎中調任

王弼順天大興舉人正德十四年任

郭鳳河南蘭陽舉人正德十五年任

劉啟東河南羅山舉人嘉靖三年任爲人方正政學俱

優調知同州後至知府

馬京直隸真定舉人嘉靖九年任

許經河南彰德府舉人嘉靖十年任

張錫順天通州舉人嘉靖十一年任

范箕字斗南京衛籍進士嘉靖十三年任才如流水剖  
決立盡政多利民而律已甚嚴馭下尤肅百姓比之  
龐統劉穆之云至今稱之陞員外歷官參議

郝桓直隸祁州舉人嘉靖十五年任

李用中山東樂安舉人嘉靖十六年任策身清慎出政  
寬和雅好文學事敦大體修廟學葺城垣勸農課桑  
屏除賊盜幾與歌五袴者相等以憂歸人追慕之

魏潤武清衛舉人嘉靖十八年任以計及簞簋罷

王子麟河南汝陽縣舉人嘉靖二十年任

杜世爵陝西涇陽舉人嘉靖二十一年任以中虜謫萊

州通判

張崇德陝西咸陽舉人嘉靖二十二年任以多餘起送

改濟甯州

馬進圖山東日照舉人嘉靖二十四年任

鄭允中直隸吳橋舉人嘉靖二十五年任改鄧州

馮友陝西咸甯舉人嘉靖二十五年任見名宦

羅天錫武清衛舉人嘉靖二十七年任調鄜州

周夢綵直隸阜城人嘉靖間以舉人任忻州知州敵騎

入犯念城郭傾圮將不支又懼以修築爲闕并擾乃

卽市廛征其力頽城復完於各鄉屯田清丈後爲立石碣勒田畝四至及戶口租數俾無得侵越民咸便之

韓廷學陝西涇陽舉人嘉靖三十三年任性豪政平大計左遷

韓希顏直隸雄縣人貢生嘉靖三十五年任遷麗江府同知

聶宗元順天漷縣舉人嘉靖三十八年任

時通錦衣衛進士嘉靖間由慶陽府謫知忻州規模宏大不憚豪橫革驛遞裁濫應尤爲民便詳名宦



王守成湖廣江夏舉人由直隸順德縣陞忻州政治煥  
然衆稱仁愛有召杜龔卓之風遷去民立德政碑詳  
名宦

甯策河南河內舉人隆慶二年由鄉甯知縣陞任調汾  
州

齊宗堯直隸昌黎人貢生隆慶二年由汾州調任

雷大壯上蔡人進士隆慶四年由滎河知縣陞任操勵  
冰霜政尚簡要庭無積案下無敝民懲豪橫則雷勵  
風行綏善良則天空日朗勸諭齊民諄諄教化不專  
以文法爲事遷去民有父母之思焉

王勤山東汶上舉人隆慶五年由五臺知縣陞任

堯允和河南衛輝舉人隆慶六年由樂亭知縣陞任

周文進河南陳留舉人萬曆二年由河間通判陞忻州  
政事績密胥吏咸畏去任囊橐蕭然

石珠陝西洛南人貢生萬曆四年由鉅野知縣陞任

陶光寵直隸固安人萬曆初由兗州州判擢知忻州寬  
和勤慎加意恤民留心造士清丈地畝有均平之頌  
遷晉府長史士民赴會城終其任省問不絕

劉國憲陝西韓城人舉人萬曆十二年由大名府通判  
陞忻州剛果毅廉介峭直有幹濟才設社學立義

州志 卷二十一  
倉嚴保甲而盜賊斂藏禁衙蠹而善良歌頌郡民至今稱之

田應揚直隸雞澤舉人萬曆十四年由廣昌縣陞任賦性廉靜心切愷悌服食依然寒素喜下問諸倚人命圖詐者立卽掩埋無辜波及者審卽省發陞萊州府同知去之日男女哭聲載道如嬰兒之失慈母焉

王鶴齡河南鄆陵舉人萬曆十九年由常州府通判陞任

王文煒山東東平舉人萬曆二十年由鄉甯知縣陞任  
蔡惟忠浙江秀水舉人萬曆二十一年由濟陽知縣陞

任

張堯行湖廣宜川人貢生萬曆二十二年由靜樂縣陞  
忻州端毅不回嚴明有執自胥吏逮眾庶皆畏若神  
明欺詐不攻自破包城一節嚴督精覈日夕不少倦  
及告成幾嘔血

王之城山東新城人貢士萬曆二十八年以通州知州  
改任陞淮安府同知

楊維嶽浙江餘姚人進士萬曆二十九年由漳州府謫  
知忻州歷著惠政後陞貴州僉事詳名宦

張雲霄順天永清舉人萬曆三十八年任

梁綱河南嵩縣舉人萬曆四十三年任廉靜公平纖塵

不染

牟鉦山東棲霞人貢士萬曆四十七年任公廉剛正

李如鴻浙江永嘉舉人天啟三年任洞疇風弊剖決如流聽事致降鶴之異扁署軒以誌之今尙存

鄧承黻廣西全州舉人崇正八年任時流寇亂捐俸修南北關巡撫吳甡曾薦於朝後以他事降魚臺知縣張楚珩從祀名宦

周人龍曰按崇禎十七年尙有州牧楊姓者闖賊逼索金帛拷掠以死佚其名附記於此

學正

楊璫宣德年任

王鸞南直徐州舉人成化五年任

孫隆山東棲霞人

王佐山東卽墨舉人宏治六年任

謝思道陝西甯羌衛舉人宏治九年任陞府同知

楊本甘肅秦州人正德五年任

趙鎔河南宜陽舉人正德八年任

劉森河南開封人正德十五年任

孟錄直隸通州舉人嘉靖二年任

高朗山東泗水人

袁澣山東臨朐人

徐宗堯山東日照人嘉靖十七年任

葛華山東掖縣人

成玳山東新城人

張九敘甘肅隴西人

高楫直隸獲鹿人

趙文潤

張世華

胡化鯉

訓導

賈統定襄人洪武初以學行薦授州訓導五年徵爲御

史陞陝西僉事

按前明原設訓導三員嘉靖萬曆年間裁去二員國朝因之

邢爽定襄人洪武庚戌舉人州訓導陞陝西武功知縣  
蘇敬陝西延安人成化十九年任

孫誼山東館陶人成化二十年任

張桓失考按修理州學先後載此名因序於此

朱進遼東人宏治五年任

李秀直隸舉人宏治九年任歷陞通判

柏永安陝西金縣人宏治十年任



馮璋河南安陽人宏治十年任

月盛直隸靈壽人正德二年任

楊濟山東莘縣人正德三年任

范亨山東樂陵人正德三年任

陳言河南尉氏人正德四年任

張思敬甘肅涇源人正德七年任

李諶河南杞縣人正德七年任

楊志聰甘肅狄道人正德十四年任

趙端山東卽墨人嘉靖元年任

呂賢江西廬陵人

劉維敬山東益都人嘉靖二年任

薛賦直隸威縣人嘉靖九年任陞教諭

方仕譽陝西咸甯人嘉靖九年任

傅相河南登封人嘉靖十年任祀名宦

仇仁溥直隸井陘人嘉靖十九年任

尚詔直隸甯津人嘉靖十九年任

雷有霖陝西商州人嘉靖十九年任

趙正河南洧川人嘉靖二十年任

王珣陝西華州人

朱應麟山東樂陵人嘉靖二十四年任

岳壽陝西紫陽人嘉靖二十六年任

張軒陝西涇陽人嘉靖二十六年任

王甯河南磁州人嘉靖二十六年任陞寶坻教諭

邱鏜直隸易州人嘉靖三十五年任

王渤臨安人

楊秀直隸永清人

張文舉甘肅隴西人俱嘉靖四十年任

劇灞直隸藁城人

李學夔順天大興人

王道傳俱嘉靖四十三年任

師際可直隸易州人

任維陝西耀州人

王弼直隸保安州人俱隆慶元年任

范璠陝西鄠縣人

楊維畿陝西鄜州人俱隆慶六年任

姚璋河東人

李坦芮城人

陳庭朔州人俱萬曆五年任

楊春芳直隸靈壽人萬曆七年任遷猗氏教諭

賀成義直隸真定人萬曆十年任遷恩縣教諭

州志 卷二十一  
張府大同人萬曆十二年任遷藩教授

龐華陝西咸甯人萬曆十五年任

霍光溥直隸元氏人萬曆十六年任

王雲望萬泉人萬曆十七年任遷青城教諭

賈真儒陽和衛人萬曆十九年任

黃自修陝西綏德州人萬曆二十二年任遷藩教授

張棟稷山人萬曆二十五年任遷藩教授

楊從龍直隸大城人

薛尙義甯鄉人遷藩教授俱萬曆二十七年任

馬邦進應州人

張時純臨汾人俱萬曆三十二年任

陳大聘武鄉人萬曆三十四年任

王邦畿渾源州人

田養性陝西麟遊人俱萬曆三十五年任

李養志崇禎年任

孫維垣大同人

吏目

周仁傑洪武三年任

尤濟永樂間任

蔡儀南直來安人宣德八年任

劉醇

董賓正統十二年任

張清景泰四年任

饒秉彝

王琚成化元年任

武備成化二年任

李芳成化三年任

李森成化十五年任

袁鼎河南登封人成化二十年任

丁憲宏治九年任

鄧鵬湖廣沔縣人例貢宏治十四年任遷屯留主簿  
張惠山東秦安州人例貢正德三年任

賈文繪

周洪山東歷城人例貢正德九年任

王晨正德十四年任

趙謙山東臨清州人

王齡陝西蒲城人正德十六年任有才而縱

張珊直隸安州人例貢嘉靖七年任

謝鉞河南鄆陵人吏員

白緝宗陝西朝邑人



高恆山東蒲臺人

溫世明直隸欒城人

鄒鐸隆慶州吏員

張世相陝西綏德州人例貢

羅霖河南滑縣人吏員嘉靖四十三年任

周如全直隸深州人隆慶元年任

王文沛四川青城人隆慶四年任

張嘉祉河南光山人隆慶五年任

石肯播直隸南樂人例貢萬曆二年任

王守禮直隸清苑人萬曆四年任

謝思祿直隸定州人例貢萬曆五年任以後無考

國朝

知州

張大任遼東金州舉人順治二年任陞青州知府

張元玉順天通州舉人順治三年任

劉德炎江南無錫進士順治四年任姜逆爲變棄城走  
匿爲巡撫捕誅

何顯祖順治間陽曲主簿署州事八里督糧遇姜逆叛  
黨於途被殺贈太原左衛經歷視劉德炎真霄壤矣

李月桂遼東瀋陽人貢士順治六年任陞平陽知府

常文魁遼東人貢士順治十一年任

于榮遼東人順治十二年任陞饒州知府

魏一鼇字蓮陸直隸保定舉人順治十三年知忻州有  
惠政及去官匹馬雙僮而已

劉國欽奉天遼陽人順治十四年任

張一魁奉天遼陽人蔭生順治十六年由涇化縣陞任  
後陞河間知府

任登級直隸獲鹿人貢生康熙二年由盧氏縣陞任

柯弼奉天遼楊舉人康熙七年由湯溪縣陞任

許嗣興鑲藍旗人康熙十八年任有惠政詳名宦

柯貞朝奉天遼陽人蔭生康熙二十年任

金玉相正黃旗人監生康熙二十七年任

王來賓正黃旗人監生康熙三十八年任

董衍祚正白旗人監生康熙三十九年知忻州嗣

仁廟駕幸五臺會蒙

召見

御書方州

良牧額并雲移雉尾開宮扇日繞龍鱗識聖顏楹聯  
賜之州人楊侍御敬儒貽詩云 聖主資

良牧江都號大賢三台時注望五馬暫揮絃清介魚  
生釜明慈獸渡淵時巡親 召對爭看璽書懸相

傳壽日士民來祝者萬餘人卽此可見惠政入人深

心州志 卷二十一  
三  
矣

祝兆鵬鑲紅旗人歲貢康熙五十二年任

趙璿順天薊州舉人康熙五十九年任

劉毓岳河南商邱縣監生雍正元年自渾源州調任後  
陞澤州府

姚世璠浙江歸安人貢生雍正二年自澤州調任

周人龍直隸天津人己丑進士雍正六年由清源縣陞  
忻州嘗纂輯州志

劉澤民順天涿州人監生雍正十年任

謝庭琪廣西全州人丁未進士乾隆五年由安邑縣陞

任至八年四月內因患病解任調理至七月內病愈復任陞太原知府清操絕物闔州有神君之頌

竇容遂河南栢城舉人乾隆九年由應州陞忻州十年七月二十四日莅任好士愛民嘗勸士子敦品立行勵志向學條分縷晰諄諄戒勉載入藝文又誥誡諸民毋事賭博安分爲善詳明剴切有良吏之風因志乘失修百餘年編輯採錄重行刊刻俾有考證

胡楷乾隆十二年任

劉斯和乾隆十二年任

拖穆什乾隆十三年護理忻州

楊龍文乾隆十四年任

沈廷珍乾隆十四年任

韓桐河南武安人拔貢乾隆二十一年任

呂士淳江蘇江都人乾隆二十三年署任

胡觀海乾隆二十三年署任

篤寬舉人廂黃旗滿洲岳尼佐領下人乾隆二十四年  
任

馮元邁江蘇吳縣舉人乾隆二十七年任

孟孝標河南杞縣人附監生捐納通判乾隆二十一年  
署任

格圖懇等繙繹進士鑲藍旗滿洲朝克託佐領下人乾隆三十一年任

宋乾金河南商邱人乾隆壬子舉人三十二年任

魯潢江西新城人保舉知州乾隆三十五年由渾源州陞任創建秀容書院籌備膏火獎賞經費鼓勵寒賤士林稱之

王興穀江蘇金山人捐納知州乾隆三十五年署任高宮璽直隸昌黎人乾隆庚辰科舉人四十三年任誠存朔平府同知乾隆四十四年署忻州

孫銘彝浙江善化人乾隆乙酉科舉人四十九年任



王秉韜漢軍舉人乾隆五十年任風清弊絕未久遷去

李會觀直隸蠡縣舉人嘉慶元年任旋署太原府

宋竹苞河南祥符縣舉人嘉慶元年任嚴明有聲

福敬滿洲正藍旗舉人嘉慶十七年任陞大名府知府  
邱鳴泰江西東鄉人乾隆甲寅舉人嘉慶二十五年補

忻州府陞布政使

王利亨廣東嘉應州人乾隆己酉科舉人道光元年由代州調署忻州嘗作勸民歌化導閭閻載列藝文

楊霖川湖北武昌人進士道光四年由陽曲縣陞任遷

朔平府知府

史夢蛟浙江餘姚縣廩生報捐兵馬司副指揮保陞知州道光七年任

李培謙江西臨川人嘉慶丁卯科舉人道光壬午恩

科進士十一年任十二年集資重修學宮十三年創建考棚歷著惠政

韓寶鏐山東霑化人嘉慶辛酉拔貢道光十七年任

董梁江蘇贛榆人嘉慶辛酉拔貢道光二十年由遼州調任當官廉介請託不行

陳維屏江蘇江甯人嘉慶己卯進士道光二十二年署

任

曹森江蘇上元人嘉慶戊寅恩科舉人道光壬午

恩科進士二十二年由陽曲縣陞任二十九年引疾  
回籍咸豐三年粵賊陷金陵全家殉難蔭卹如例世  
職雲騎尉政尙寬和至今稱之

華典直隸天津人嘉慶丙子科舉人道光二十九年任  
嘗捐廉增書院膏火值軍興羽書旁午供億浩繁禁  
浮冒懲姦蠹民以不擾咸豐三年以疾解任

李崇蟠山東歷城人道光丁酉科拔貢咸豐四年由陽  
曲縣陞任

曹芳溢咸豐五年由陽曲縣署任

桂昌正白旗滿洲桂祥佐領下人監生咸豐五年署任  
程國觀咸豐八年由代州調署忻州

章青選順天大興人咸豐九年由陽曲縣陞任

張其恕山東德州人咸豐十年由代州調署忻州培植  
士林修葺書院增益膏火又倡舉賓興及惜字紙會  
經費條約皆詳請立案舊例南關外園戶每年冬季  
支應州署白菜山藥向無定數園戶苦累遂永遠裁  
革存案在任未久頗多惠政至今稱之

彭作檀江西廬陵人同治元年署任

董彙芳同治二年由平定州調署

俞世銓江蘇吳縣人咸豐丙辰科進士同治三年由榆次調署陽曲陞忻州

許亦崧順天宛平人道光丁未科進士同治三年署任  
戈濟榮直隸景州人道光庚子科舉人同治四年任修葺城垣衙署平治街道籌增書院膏火獎賞加課詩賦以示鼓勵在任最久有足稱焉

沈熙齡同治五年代理忻州

朱煥同治六年署任

高崇基直隸靜海人道光癸卯科舉人庚戌科進士同

治十年由陽曲縣署忻州廉平惠愛有循吏風

沈大謨陝西長安人道光辛丑翰林同治十二年署忻

州

陳世綸直隸青縣人道光己酉科拔貢同治十三年由

陽曲縣署忻州

孔廣培浙江蕭山人光緒二年由平定州調署忻州

鄭繼修直隸廣宗人光緒三年四年定襄縣兼護忻州

賴昌期湖南善化人光緒四年由鳳臺縣署忻州

方戊昌字季方河南杞縣籍安徽桐城人咸豐庚申

恩貢軍功保舉知縣歷任曲沃潞城聞喜河津臨晉

陽曲知縣光緒四年六月升補忻州五年七月十二

日履任

學正

韓成德洪洞舉人順治三年任

劉呈昱陝西雒南恩貢順治四年任

劉登桂大同歲貢

劉鼎隆吉州人

呂元聲翼城舉人

王洪址洪洞縣人康熙七年任

趙世福絳州人

王震福稷山舉人

張所聞聞嘉人康熙己酉舉人

康如琰平陽人康熙壬子舉人

王永平臨縣人康熙辛酉舉人

周翹濂安邑人康熙丁卯舉人康熙五十五年任

桑鷗章榆次人康熙乙酉舉人

賈激崞縣人康熙戊戌進士雍正四年任

王冕翼城人康熙戊子舉人以候選知縣補授學正雍正

正五年六月任

張璞璽猗氏縣進士由河間程鄉知縣改補學正雍正



九年九月任

渠輔邦祁縣舉人由甯都邵武知縣改補學正雍正十一年九月任

牛經典聞喜縣貢生由太原府訓導陞授雍正十三年閏四月任

鄧兆鳳靈邱縣貢生由襄陵縣教諭補授乾隆二年十月任

樊灝偏關縣舉人乾隆五年六月任

陳輝猗氏縣舉人乾隆九年五月任

馬夔龍沁水縣舉人乾隆十一年五月任

靳尙端黎城人雍正甲辰舉人由浦江知縣改任

戴龍池乾隆十三年署任

張天佑乾隆十四年署任

竇鎮平定人乾隆辛酉科舉人十八年任

葛朝陽安邑人乾隆丙辰 恩科舉人二十六年任

李文蔚文水舉人乾隆三十四年任

栗極教崞縣舉人乾隆四十四年任

甯時泰徐溝人乾隆乙酉科舉人揀選教職四十八年  
任

桑廷權榆次人乾隆庚辰 恩科舉人呈請就教嘉慶

七年任

邢洸遼州人乾隆甲午科舉人嘉慶十五年任

張紹經代州人廩貢捐納訓導道光元年署任

宋宜年興縣人乾隆戊申恩科舉人道光二年任

關彭年鳳臺人乾隆壬子科舉人道光六年任

李冲霄陽曲人乾隆甲寅恩科舉人道光十年任

薛衷誠襄陵人廩貢捐納訓導道光二十三年署任

李光煦洪洞人廩貢道光二十四年由太原府訓導陞

任

郭垣偏關人廩貢捐納訓導咸豐八年署任

史兆麟五臺人道光壬辰 恩科舉人咸豐八年任

賈蔚崢縣人副榜同治十年署任

楊正茂滎河人咸豐壬子科舉人同治十一年任

衛天鵬曲沃人咸豐戊午科舉人光緒元年署任

張志仁繁峙人廩貢捐納訓導光緒元年署任

白仰東汾陽人同治壬戌 恩科舉人光緒二年任

劉照甯武人廩貢光緒三年署任

姜長榮孟縣人咸豐己未 恩科舉人光緒四年任

黃鏞河曲人道光甲辰舉人光緒五年署任

王胤大同人咸豐辛亥 恩科舉人光緒六年任

訓導

郭懋昌洪洞人

陳廷謨臨汾人順治八年任

關維垣隰州貢生此後裁汰

薛煒絳州捐貢自此復設

周賓翼城歲貢

侯元珍高平人

李廷材長治歲貢

衛衍中太平捐貢

梁司言稷山人

賈維藩

秦世傑陽城捐貢

王學曾運司廩生捐貢以上俱康熙年任

李章浮山縣歲貢雍正三年任

古謙汾陽縣貢生雍正九年十二月任

蔡廣生汾陽縣貢生雍正十三年七月任

高淑孔應州貢生乾隆八年十月任

曹立基平定人廩貢捐納訓導乾隆十二年任

秦彩玉永濟人歲貢捐納訓導乾隆二十八年任

高若穀翼城人廩貢捐納訓導乾隆三十六年任

李光宗乾隆四十五年署任

馮格渾源人廩生國子監肄業期滿以訓導用乾隆四十五年選授

常文植榆社人歲貢嘉慶元年任

武天因太原人廩貢捐納訓導嘉慶二十年任

劉璐太原人廩貢捐納訓導嘉慶二十一年署任

武椿年太谷人廩貢捐納訓導嘉慶二十二年任

任性德趙城人廩貢捐納訓導嘉慶二十五年任

李士衡平遙人附貢捐納訓導道光二十九年任

靳復昌咸豐三年署任

李蔭池徐溝人廩貢國子監肄業期滿以訓導用道光十八年任中式癸卯科舉人

周日榕咸豐九年署任

郝大中河津人廩貢捐納訓導咸豐九年任中式丁卯

科舉人

李殿卿同治七年署任

張長庚光緒元年任

遂嵩年壽陽人廩貢捐納訓導光緒二年任

吏目

王進學



沈天爵

龔錦

張國明

王極

吳弼

孔翼憲保定監生康熙十六年任

陳廷正會稽監生康熙二十八年任

周世夔宛平吏員康熙三十九年任

孫鍾睿昌平州吏員康熙五十三年任

楊子軾大興吏員康熙六十年任

彭興嗣河南虞城人乾隆七年七月任

唐際唐江南鹽城縣監生乾隆十年七月任廉介持身  
胡大立順天大興人由從九選授吏目乾隆十九年任  
張士楹湖北松滋人監生捐納吏目乾隆二十七年任  
盧憲安徽廬江人監生乾隆三十一年署任

吳松江蘇長洲人監生考取膳錄以吏目用乾隆三十  
五年任

呂希簡四川成都人監生乾隆四十五年署任

林大本順天宛平人監生由四庫全書膳錄議敘主簿

乾隆四十六年任

任熊拱順天大興人吏員捐納府經歷乾隆五十一年

任

費鈞順天大興人監生捐納吏目嘉慶十三年任

陳宗禮順天大興人監生報捐吏目嘉慶二十一年任

王光案順天大興人監生報捐吏目嘉慶二十二年任

江思祖江西南豐人嘉慶二十三年署任

孔廣揚廣東清遠人監生報捐吏目嘉慶二十四年任

屠棟浙江鄞縣人律例館供事議敘未入加捐吏目道

光八年署任

王松年直隸清苑人由從九指項吏目道光九年署任

李星樞順天大興人監生報捐未入道光十二年署任  
章澤咸豐五年署任

許茂浙江山陰人監生報捐吏目咸豐六年任

張隴直隸南宮人監生報捐從九咸豐十年署任

任寶晉安徽桐城人監生報捐吏目咸豐十年任

劉步瀛直隸任邱人國史館供事議敘同治元年代理

任寅清安徽桐城人同治七年代理

任敏樹安徽桐城人同治九年代理

謝錫瑩江蘇溧陽人監生同治十年任

劉元燾光緒三年代理

羅喬齡安徽桐城人光緒五年署任

按職官最爲缺畧正雜校職皆不及十之二三百餘年來冊籍失次無從稽考而政蹟之可紀者亦寥寥可數文獻無徵傳聞異詞與其無徵不信不若姑從其畧非載筆者樂於簡便使姓氏善政湮沒無聞焉

忻州志卷二十一

名宦

唐

李丕與劉從諫善署昭義大將及劉稹阻命軍中疾其  
才丕懼乞爲游弈深入遂自歸武宗召見擢忻州刺  
史太原楊弁亂遣人誘丕丕斬之以兵扼走集李德  
裕曰度支戶部物積代州今丕塞其路賊破矣乃趣  
丕討弁兵未至而弁已擒遷汾晉二州刺史大中初  
拜振武節度使檢校刑部尚書卒

宋

張齊賢冤句人進士雍熙時知忻州留心刑獄議論慷慨有大略以致君自負休民積穀民咸賴之

元

張真汜水人皇慶年任至正間兵破州城真撫安堡寨遺民賴以存活立石紀功德焉今存

明

劉清山東壽張人成化間以舉人任忻州知州居心平恕莅政寬和修廟學驅遊民立倉庾屏盜賊善政釐然嘗遇歲荒勸富人蠲賑得粟萬石鏹千兩按戶分給菜色立起秩滿去民立碑識之

時通錦衣衛進士嘉靖間由慶陽知府謫忻州規模宏  
大不事曲謹執法甚嚴不憚豪橫征收賦徭止示以  
限期令民自輸無敢玩者革驛遞裁濫應尤爲民便  
王守成江夏舉人嘉靖四十四年由順德知縣陞任持  
已端方莅政精敏修廢舉墜教織督裁政治煥然一  
新囹圄無冤而人服神明積倉皆溢而眾稱仁愛有  
召杜龔卓之風焉遷去立德政碑

馮友咸甯人舉人二十五年任剛毅能幹政尤卹民遷  
保定同知

楊維嶽餘姚人萬曆二十九年以進士知漳州府謫忻



州政尙廉平徵解不染指聽訟立判舞文者斂迹歲  
荒煮粥惠民撫流移八百餘家開水渠三十五道墾  
荒地五十餘頃清驛傳捐俸修學宮繕堡寨民甚德  
之修輯州志釐然改觀

傅相河南登封人嘉靖十年任忻州訓導爲文宗法八  
大家郡士式之

張楚珩

陳九纓州同

趙行可州同

朱根州判

以上四員因舊志缺失無從考稽事實  
履歷僅據學宮名宦祠木主附記於此

國朝

許嗣興留心民事耕穫時必單騎履畝勸民勤業始終不倦歲值大荒民乏食公詳請賑濟復捐俸煮粥全活數千餘人又開渠築隄以禦水患沾利者數十村士民咸謳思之歷任福建巡撫

按名宦一類累朝以來皆寥寥無幾我朝僅許公嗣興一人得與其列二百餘年官斯土者奚止百輩其中豈無二三循良可比於古之龔黃召杜在有司素絲自勉以教以養固職分所當爲在士民身被其澤而報以隆禮亦兩盡之道也國家且不惜秩祀

勵官方豈守牧一無遺愛繫諸民之去思乎此必無  
之事斷斷然矣如此可見忻民質直古處不尙虛文  
余故誌之俾後來者不致慨絕無而僅有也